



Bosna i Hercegovina
Federacija Bosne i Hercegovine



Босна и Херцеговина
Федерација Босне и Херцеговине

KANTON SARAJEVO
Ministarstvo prostornog uređenja,
građenja i zaštite okoliša

КАНТОН САРАЈЕВО
Министарство просторног
уређења, грађења и заштите околиша

Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05-04-74569-22/20 ZJ
Sarajevo, 17.04.2020.g.

SKUPŠTINA KANTONA SARAJEVO
- OVDJE -
n/r Mirza Čelik, predsjedavajući

PREDMET: Dostava odgovora na zastupničko pitanje

Zastupnica Skupštine Kantona Sarajevo Nejra Dizdarević, je na 22. Radnoj sjednici Skupštine Kantona Sarajevo, održanoj 11.03.2020. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo pokrenula slijedeće zastupničko pitanje:

PITANJE:

„U izvještaju koji je dostavljen Ministarstvu prostornog uređenja, građenja i zaštite okoliša od strane Kantonalne uprave za inspeksijske poslove stoji:

" Istovremeno smatramo da je u cilju efikasnosti i otlanjanja eventualnih problema i šteta potrebno da se precizno definiše, propiše i objavi koji subjekti podliježu zabrani korištenja čvrstih goriva tokom epizode UZBUNA (uključujući i definisanje postupanja čevabdžinica, pekara i sličnih ugostiteljskih objekata tokom epizode UZBUNA koje kao energent koriste čvrsto gorivo: drveni ugaj ili drvo). Obzirom na sve naprijed navedeno, jasno je da ova mjera traži puni angažman Ministarstva privrede i nadležnih općinskih organa kako je propisano Planom. U tom smislu, ističemo da Kantonalna uprava za inspeksijske poslove očekuje saradnju sa istim i upute za eventualno postupanje.

Smatram da pomenuti subjekti (čevabdžinice, pekare i slični ugostiteljski objekti) u epizodi "UZBUNA" trebaju zaustavljati rad budući da njihovi procesi spravljanja hrane se mogu ponovo lagano uspostavljati za razliku od velikih industrijskih postrojenja. Takođe treba ostaviti mogućnost pomenutim subjektima da ukoliko ugrade određene filtere koji će drastično smanjiti emisiju da im se onda u toku epizode "UZBUNA" dozvoli rad, ali molim da se Ministarstvo izjasni o tom problemu".



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1





ODGOVOR:

Ministarstvo prostornog uređenja, građenja i zaštite okoliša kontinuirano prati provođenje mjera prilikom proglašenja epizoda iz Plana interventnih mjera u slučajevima prekomjerne zagađenosti zraka u Kantonu Sarajevo ("Službene novine Kantona Sarajevo" broj 44/19).

Epizoda "Uzbuna" je bila proglašena jednom u toku prošle grijne sezone 2019/20 godine i trajala je od 11.01.-17.01.2020.godine. Jedna od mjera koje se preduzimaju u ovoj epizodi je "Zabrana korištenja čvrstih goriva i teških ulja svim pravnim i fizičkim licima koja koriste ista u tehnološkom procesu". Provođenje ove mjere se, između ostalog, odnosi i na čevabdžinice, pekare, ugostiteljske objekte koji koriste ovu vrstu goriva. Dakle, sve čevabdžinice, pekare i ugostiteljski objekti koji koriste čvrsta goriva i teška ulja su dužni preći na alternativno gorivo koje ne ispušta čvrste čestice u zrak (električna energija, prirodni gas i sl.). Ukoliko nemaju ni jednu od ovih mogućnosti, moraju potpuno prestati sa radom prilikom proglašenja epizode "Uzbuna".


U cilju preciznog definisanja i konkretizovanja svih subjekata koji podliježu zabrani korištenja čvrstih goriva tokom epizode UZBUNA, ovo Ministarstvo je intenziviralo rad na izmjeni Odluke o zaštiti i poboljšanju kvaliteta zraka u Kantonu Sarajevo ("Službene novine Kantona Sarajevo" broj 23/16), koja je pripremljena u fazi Nacrta.

S tim u vezi, potpuno je promijenjen član 30. Odluke kojim je precizno definisano "Obavezno prečišćavanje gasova i mirisa koji nastaju u ugostiteljskim objektima".

Ovim članom je navedena obaveza i način prečišćavanja gasova kroz ventilacione ispuste i dimnjake u skladu sa zahtjevima standarda BAS EN 16798, odnosno obezbjeđenje prečišćavanja klase EHA2 uz posjedovanje tipskog certifikata izdatog od strane ovlaštene institucije.

Nakon usvajanja izmjena i dopuna navedene Odluke, nadležna inspekcija zaštite okoliša je dužna da, po službenoj dužnosti, vrši redovne preglede i kontrolu ispunjenosti uslova iz člana 30. Odluke.

Napominjemo da, Ministarstvo prostornog uređenja, građenja i zaštite Kantona intenzivno radi na analizi i unapređenju mjera iz Plana, tako da u tom kontekstu podržavamo i prijedloge iz zastupničkog pitanja.



dipl.ing.arh.

Obradila: Jasmina Zelić-Hadžiomerović,
stručni savjetnik za zaštitu zraka

Kontrolisala: Zijada Krvavac, pomoćnik ministra
za zaštitu okoliša

Dostaviti:

- Naslovu
- Stručna služba Vlade (na znanje)
- Arhiva



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

